



Samarbeidsavtale mellom Hordaland fylkeskommune og teknisk arrangør om arrangementet Ungdommens kulturmønstring (UKM) – fylkesmønstringa 2015-2016.

UKM har utvikla seg til å bli det som i dag sjåast som ei av dei tre viktigaste offentlege satsingane på barne- og ungdomskultur, saman med kulturskulane og det omfattande programmet for kunst- og kulturformidling til skulen. UKM er mange små lokale festivalar der ungdom kan delta med alle slags kulturuttrykk. UKM skal vere den viktigaste visningsarena for ung kultur.

Fylgjande er avtalt mellom Hordaland fylkeskommune og....., heretter kalla teknisk arrangør:

1. KONTRAKTEN SITT INNHOLD

Hordaland fylkeskommune står ansvarlig for at Ungdommens kulturmønstring (UKM) fylkesmønstringa avvikles kvart år i Hordaland.

..... påtek seg å vere teknisk arrangør for UKM fylkesmønstringa i åra 2015-2016.

Hordaland fylkeskommune har det overordna økonomiske ansvaret for UKM i Hordaland og fylkesmønstringa. Vidare er fylkeskommunen ansvarlig for:

- Rettleiing som fylkeskontakt for kommunenes lokale UKM arrangement
- Fungere som eit mellomledd og informasjonskanal mellom UKM nasjonalt, UKM regionalt og UKM lokalt
- Bidra med nettverk og kompetanse med tanke på utvikling av UKM-konseptet
- Planlegge og gjennomføre reise til UKM festivalen i juni kvart år
- Samarbeide med dei regionale ungdommane som representerer UA (unge arrangørar) og URG (ungdommens referansegruppe) om utviklingstiltak
- **HFK forpliktar å ha jamleg kontakt med teknisk arrangør**

Hordaland fylkeskommune er ansvarleg for gjennomføringa av UKM fylkesmønstringa. Teknisk arrangør skal samarbeide på dette feltet med fylkeskontakt i åra 2015-2016 . Dette inneberer fylgjande oppgåver:

- Registrering av materialpakkar til kommunane
- Registrering av datoar for når kommunane skipar til sine lokalmønstringar
- **Delta på kommunekontaktmøtet og andre møter m.a. med UA og URG.**
- Planlegging og gjennomføring av fylkesmønstringa som arrangement **saman med fylkeskontakt**
- Organisering og tilpassing av lokalar for alle kunstuttrykk **saman med fylkeskontakt**
- Lokalar til sosiale aktivitetar, overnatting, og til sjølve teknisk arrangement **saman med fylkeskontakt**
- **Førebu** innkjøp og organisering av matservering til deltakarane under fylkesmønstringa og til overnattinga.
- Sørge for tryggleikrutinar og vakthold under fylkesmønstringa
- Oppdatere nettportalar som www.ukm.no/hordaland og UKM Hordaland sin nettside på facebook med informasjon om fylkesmønstringa
- Delta på landsfestivalen som leiar for deltakarar frå Hordaland
- **Teknisk arrangør forpliktar å ha jamleg kontakt med HFK**

I disse oppgåvene ligg det ikkje føre eit økonomisk ansvar. Alle rekningar knytt til arrangementet, og andre uførutsette utgiftar, skal betalast av Hordaland fylkeskommune. Det er såleis naudsynt at det er jamleg kontakt mellom teknisk arrangør og Hordaland fylkeskommune.

Hordaland fylkeskommune betalar for reise og opphald for teknisk arrangør under fylkesmønstringa og UKM festivalen. Utover dette står teknisk arrangør fritt til å delta på konferansar og arbeidsseminar i regi av UKM Norge.

Hordaland fylkeskommune overfører 100 000 kroner til teknisk arrangør årleg for gjennomføring av UKM fylkesmøntringa. Eventuelle uførutsetta utgifter vert dekt etter avtale med Hordaland fylkeskommune.

2. MISLEGHALD

Dersom det vert gjort vesentleg brot på avtalen, kan Hordaland fylkeskommune annullere den.

3. TVIST

Dersom det oppstår tvist av kva som helst art, vil Hordaland fylkeskommune berre halde seg til den som har skrive under på denne avtalen.

4. OPPSEIING

Hordaland Fylkeskommune og arrangør kan seie opp avtalen med 3 månadars varsel.

5. VARIGHEIT

Avtalen varer til 31.12.2016

...../..... -....

Ronny B. Skaar

Utviklingssjef/Seksjonsleiar
Kultur- og idrettsavdelinga
Hordaland fylkeskommune

for teknisk arrangør